



Universitätsbibliothek Paderborn

Theologia Moralis Universa

Ad Mentem Præcipuorum Theologorum & Canonistarum, insertis suo loco
Propositionibus à S. Sede Apostolica novissimè damnatis concinnata. Et
Per Casus Practicos exposita

Complectens LXXV. Casus Materiam de Conscientia, Legibus, Peccatis,
Fide, Spe, Charitate, Jure, Justitia, Restitutione, Contractibus, Judiciis &
Religione &c.

Jansen, Leonhard

Coloniæ Agrippinæ, 1744

Casus XLIX. De Contractu inito ex errore, & metu.

urn:nbn:de:hbz:466:1-39867

C A S U S X L I X .

De Contractu inito ex errore
& metu.

CAjus emit siceram & vinum Rhenanum putans esse Mosellanum. 13. Causam suam committit Advocato, quem falso putat esset peritum. 14. Metu perdenda litis ei filiam suam promisit. ib. Titum existimans esse suum cognatum & filiam suam contrà stupratorem defendisse, in filium adoptat. 15. Qui cum filia in flagitio deprehensus timens è domo ejici, vel diffamari ei promittit Matrimonium, 16. Theologus super his consultus dicit omnes hos contractus valere, tūm quia error, si quis intercurrit, fuit vincibilis, 17. Et quamvis contractus absente errore forte non fuisset initus, tamen error non fuit circa substantiam, 18. Tum, quia metus, qui adfuit, fuit levis. 9. Vel à tertio, & non in ordine ad contractum incusus, 6. 7. Et in dubio standum est pro valore actus. 10. Pro Resolutione.

I. QUÆR. I. Quid circa Contractus ex errore initos?

R. Sequent. I. Error in contractu potest esse vel circa substantiam, ut si emas vitrum putans esse gemmam; vel circa accidens, si emas equum decennem, quem putabas esse quinquennem; si error oriatur ex propria errantis opinione, vocatur propriè error, si ex alterius inductione, dicitur dolus; uterque potest esse antecedens vel tantum concomitans seu incidens; antecedens est, qui dat causam contractui, concomitans vel incidens, qui non dat causam contractui,

ed

et quod sine ipso contractus initus fuisset.

2. Error vel dolus circa substantiam, id est, 2.
circa materiam, causam vel motivum primariò
intentum, sive antecedens sit, sive concomitans,
invalidat contractum, ut si pro vino tibi quis
vendar siceram, pro auro cuprum, est comm. &
constat ex L. labeo 45. ff. de contrah. empt., ubi
dicitur nullam esse venditionem, si vendatur au-
richalcum pro auro: Ratio est; quia error circa
substantiam facit non cognosci substantiam, per
consequens impedit consensum in substantiam, qui
est de essentia contractus.

3. Error circa accidens, et si sit antecedens, & 3.
causatus ex malitia alterius contrahentis, non ob-
stat valori contractus, neque ex jure naturæ, quia
non impedit cognitionem & consensum in sub-
stantiam, neque ex jure positivo, quia deceptio
ex tali contractu conceditur jus & actio contra de-
cepторem, quā compelli potest ad seruandum
contractum damno compensato, si innocens ve-
lit. §. 1. Inst. de except. Solus, Molin, Sanch,
Laym, hic c. 5. num. 6. Et si quæ jura dicant, 4.
ejusmodi contractum esse irritum, volunt esse
irritum quoad effectum, hoc est, ab innocentे
rescindibilem; non quoad substantiam; Unde
valet, si emas equum decennem putans esse
quinquenniem, vinum Rhenanum putans esse
Mosellanum; si tamen accidens vel qualitas te-
neat se ex parte motivi vel materiae primariò in-
tentæ, tunc accidens transit in substantiam, v.g.
color respectu panni est accidens, si tamen emas
pannum nigrum ad luctum, & substituatur ru-
ber, accidens transibit in substantiam, & annul-
abit contractum, quia primariò intendebatur

pan-

pannus aptus ad luctum, qualis non est pannus ruber; item si dem eleemosynam Petro diviti, putans me dare Paulo pauperi, error afficit substantiam, quia motivum principale erat sublevare paupereim, qualis non erat Petrus, *Sanch. Molin. Nav. Laym. n. 3.*

5. 4. Dolus antecedens circa accidens causatus ab altero contrahente, quamvis non invalidet contractum, facit tamen eum pro libitu illius, qui dolum passus est, rescindibilem, *L. si dolo s. c. de rescind. vendit. Less. l. 2. c. 17. d. 5. num. 25. Palao de contr. d. 2. punct. 5. num. 19. Ratio est*, quod per contractum dolo obtentum comparti fiat injuria, quae in specie reparari non potest, nisi injuriatus reponatur ad statum, in quo erat ante dolum; atque hoc fieri non potest sine rescissione contractus; ergo. Quod si error accidentalis non sit ex culpa compartis, sed ex dolo tertii, vel ex propria contrahentis ignorantia, ut si ex tua imperitia, vel ex doloso Petri consilio à Paulo emas vinum novum putans esse vetus, contractus non erit rescindibilis, sed habes actionem quanti minoris contra venditorem, hoc est, potes petere, ut contractus reducatur ad æqualitatem; item potes convenire Petrum ratione dolî mali, si talis intervenerit, *cit. L. si dolo. Ratio est*; quod sit consensus in substantiam, & venditor tibi non fecerit injuriam, ergo non est, cur contractum rescindere possis.

6. *Si dicas 1. Per errorem à tertio causatum notabiliter mutatur, & vitiatur materia contractus, v. g. in casu posito vinum, ergo damnum passus potest contractum rescindere, sicut potest rescindere sponsalia, si notabiliter vitetur*

tetur sponte, quamvis non ex dolo spon-
te.

2. Metus injustus etiam à tertio in ordine ad
contractum incussus facit contractum rescindibili-
lem, ut infra dicetur, ergo & dolus.

R. Ad 1. N. C. illud damnum sufficienter
reparari potest per actionem quanti minoris, quod
non semper tenet in spontalibus, in quibus etiam
major libertas requiritur propter difficultatem, &
indissolubilitatem matrimonii.

Ad 2. iterum N. C. leges ita statuunt de dolo,
non de metu, nec Legum semper petenda est ratio
L. 20. C. 21 de leg. Ratio congruentiae esse po-
test, quod dolus per circumspectionem caveri
possit, non ita metus.

QUÆR. II. Quid sit metus & qualiter vitiet 7.
contractum? R. Metus est animi trepidatio ob
apprehensum instans malum, si oriatur ex causa
naturali, v. g. timeo mortem à morbo, à bestia, à
tempestate, vocatur metus intrinsecus; si incu-
tiatur ab homine, vel causâ liberâ, vocatur ex-
trinsecus: duas hic accipe regulas, ex quibus cæ-
tera facilè deduces.

Prima: nullus metus intrinsecus vel extrinse-
cus justè incussus invalidat contractum, aut facit
rescindibilem: Ratio est; quia metus relinquit
actum simpliciter voluntarium, & in metu intrin-
seco vel extrinseco justo nulla intervenit injuria,
ergo non est ratio, cur contractus ex tali metu ini-
tus sit invalidus aut rescindibilis; sic valent vota
metu naufragii, lethalis morbi, vel alterius mali
facta, item valent sponsalia à stupratore inita ex
metu, ne denuntietur judici.

Regula 2da: metus injustus gravis in ordine 8:
ad extorquendum contractum incussus non quidem
inuya

invalidat contractum (si matrimonium, Professionem Religiosam, & paucos alios excipias) facit tamen eum rescindibilem ob injuriam, quae per talen metum causatur: prima pars est contra Molin. Rebell. Spor. &c. qui dicunt ejusmodi contractus esse ex jure naturæ nullos, quia ex actione injuriosa non potest quis sibi acquirere jus; sed contra est: metus non facit contractum simpliciter involuntarium, ergo non tollit consensum vel aliquid aliud de jure naturæ ad valorem contractus requisitum, neque metum incutiens acquirit jus ex iniqua sua coactione, sed ex voluntario alterius consensu. Sylvius, Gabriel, Nav. Vasq. Sotus, Snar. Less. Lopez. Sanchez de matr. lib. 4. d. 8. num. 4. Laym, hic num. 2. Lug. d. 22. num. 115. Metzg. tr. 13. d. 41. a. 3. Herman, thes. 20. Viva opusc. 1. q. 6. a. 2. secunda pars etiam probatur, quia iura de his contractibus loquuntur ut validis, qui irritatione seu rescissione indigeant. L. si mulier 21. ff. de eo quod metus causa instit. de except. Sanch. Less. Lug. loc. cit.

Dixi 1. metus gravis, id est talis, qui vehementer conturbat, nec facile superari potest, idque vel simpliciter respectu omnium personarum, ut si instet grave malum etiam viro forti meritò timendum, v. g. mutilatio, incarceration, mors &c. vel saltem gravis respectu talis personæ v. g. pueri, mulierculæ, aut senis. Quod si metus injustè incusus in ordine ad contractum tantum sit levis, contractus in foro externo nequidem erit rescindibilis, quia iura metum levem pro nihilo reputant; idem pro foro interno conscientiæ docet Medina, Pontius, Tambur, &c. quia metus levis facile repellit potest,

est, idéoque, qui non repellit, voluntariè meum patitur, volenti autem non fit injuria, nec contractus censeretur factus ex metu, sed ex propria voluntate, quâ noluit metum levem repellere, oppositum tamen videtur probabilius cum *Leff. Sanch. c. 10. num. 3. Nav. c. 17. num. 15.* *Laym. num. 4. Dicast. l. 2. de just. t. 3. d. 1. num. 110. Spor. tr. s. c. 12. n. 124. Metzger n. 7. Viua a. 3. consentit Lugo num. 138.* si metus sit unicum motivum, vel causa principalis consensûs. *Ratio est;* quod ille metus sit injuriosus comparti; iniuria autem hæc reparari non potest, nisi injuriatus per rescissionem contractûs ponatur ad statum pristinum libertatis, ad quem jus habet. *Nec obstat 1.* quod metus in ratione metûs dicatur levis, nam in ratione injuriæ & damni illati potest esse peccarum grave, sicut si levi verberi frangas vitrum pretiosum; *nec obstat 2.* quod metus levis facile possit repelli, nam patiens non obligatur repellere, sed permittere potest cum reservarione sui juris; quis enim dicet calumniatores, detractores à culpa & onere restituendi honoris & famæ esse liberos ex hoc, quod Christus Dominus, vel homo sanctus suam dehonorationem facile impedire potuerit, & tamen noluerit. Jam dicta intellige de contractu *ex natura rescindibili;* nam in sententia, quod matrimonium ex metu levi initum valeat, rescindi non poterit, quia semel validum ex natura sua est indissolubile; an autem reipsâ tunc valeat, dicam suo loco.

Dixi 2. incussus in ordine ad extorquendum *contractum,* sive metus incutiatur ab altero contrahentium, sive à tertio, semper ab eo, qui

M m metum

R. D. Jansen Theol. Moral. Tom. I.

metum passus est, rescindi poterit. *L. item 14.*
 §. 3. ff. quod metus causa; si vero metus est
 quidem injuste incussum, non autem in ordine
 ad contractum, sed ad alium finem v. g. su-
 mendam vindictam & metum patiens eligat con-
 tractum-tanquam medium, quo intentatum ma-
 lum evadere possit, alii affirmant, alii negant
 contractum esse rescindibilem, videtur autem di-
 stinguendum: si contractus ineatur cum eo, qui
 metum injuste incussum, et si non in ordine ad con-
 tractum, rescindi poterit, secus si cum alio in-
 nocente, sic si hosti me occidere volenti metu
 mortis offeram 100. aureos, donatio rescindi
 poterit, quia hostis tenetur ad omne damnum
 emergens ex injusto metu, inter alia autem dam-
 na est donatio 100. aureorum: si autem tertio
 promittam centum, ut me in tali periculo defen-
 dat, utique valebit missio nec rescindi po-
 terit, et si facta sit ex metu, quia hic nul-
 lam mihi fecit injuriam, sed praestitit operam
 mercede dignam. Ex eodem principio valida est
 emptio armorum vel annonae facta metu ho-
 stium; validum est mutuum, quod Respublica
 suscipit ad dandum litrum hosti pro comminato
 incendio; validum est matrimonium, quod eli-
 gitur tanquam medium ad conciliandum poten-
 tem adversarium, vel quod eligit captivus cum
 filia custodis carceris, ut ex eo dimittatur. *Sanch.*
Lug. Less. l. c.

12. Nunc ad Casum 12. 1. Emptio siceræ loco vi-
 ni est invalida, quia est error in substantia, quod
 tenet, etiamsi Cajus æquè libenter & eodem
 pretio emisset siceram, si eam cognovisset; *Ra-*
tio est, quod ad contractum absolutum requiri-
 tur consensus præsens in hanc materiam, qui jam
 existat,

existat, sed hic consensus non existit, sed existe-
ret, si Cajus errorem cognovisset.

2. Quod Cajus emat vinum Rhenanum putans
esse Mosellanum, non invalidat contractum, imo
nec facit rescindibilem, nisi dolo vendoris id
contigerit, sed tantum habet actionem quanti mi-
noris, quia solum est error circa accidens; excipe,
nisi ratio Mosellanici sit primariò ab emente in-
tenta; ut si aliud vinum in patria sua vendere
non posset, tunc enim accidens transiret in sub-
stantiam.

3. Conductio Advocati, quem Cajus falsò
putabat esse peritum, est nulla; quia primariò
hic non intenditur persona, sed ejus peritia, quae
non est: quod vero Cajus metu perdendæ litis
Advocato promittat filiam, vel ita intelligitur, ut
Advocatus hunc metum per suam desidiam vel
tardiorem operam Cajo injustè incusserit, et si
non in ordine ad hanc promissionem, tunc pro-
missio rescindi poterit juxta dicta n. 11. vel Ca-
jus sponte hanc promissionem concepit ad acu-
endam Advocati diligentiam, & firma erit pro-
missio.

4. Adoptatio Titii in filium, qui falsò creditur
esse cognatus, est nulla, si cognatio est ratio pri-
maria adoptandi, si vero primaria ratio adoptan-
di est, quia eripuit filiam à stupro, & haec ratio
vera fit, adoptio subsistit; si utrumque motivum
de se erat sufficiens & adæquatum, ita ut quod-
libet movisset altero absente, valet adoptio, dum
modò unum è duobus, qualemunque illud sit, ex-
istat.

5. Titius iniens sponsalia ex metu, nè ob cri-
men è domo ejiciatur, validè init, quia est me-
tus justus; quod ad timorem infamiae distinguen-

dum est: vel enim ille à Cajo aut alio injustè incutitur in ordine ad extorquenda à Titio sponsalia, tunc infirma erunt sponsalia, vel infamia timetur ab ipso crimen, & valebunt sponsalia, quia mentis est intrinsecus.

- ¶7. 6. Error circa substantiam, quamvis sit vincibilis, invalidat contractum; nam quamvis potuerit quis cognoscere, si tamen de facto non cognovit substantiam, etiam non consensit in substantiam, sine tali autem consensu contractus est nullus.

Dices: ignorantia vincibilis non excusat à peccato, ergo nec ab obligatione contractus. *Conf.* quia sic dabitur ansa innumeris mendaciis & litiibus; nam facile quis dicet, se ignorasse substantiam contractus. *R. N. C.* ignorantia vincibilis excusat à peccato, cuius malitia ignoratur, non autem à peccato ignorantiae affectatae vel neglectae scientiae; simili modo excusat ignorantia ab obligatione contractus, cuius substantia non cognoscitur. *ad Conf. R.* Tali asserto in foro externo non creditur, nisi probetur.

- ¶8. 7. Non obstat valori contractus, quod non fuisset initus, si qualitas fuisset cognita; nam inde tantum sequitur, quod positâ cognitione qualitatis futura fuisset volitio, quae impedivisset obligationem, non autem, quod nunc fuerit, aut nunc impedit, nisi qualitas redundet in substantiam. *Vasq. Valent. Sanch. l. 4. in Decal. c. 2. à n. 6.*

8. De metu sat̄ dixi à n. 7. quibus adde: si Titium in crimen deprehensum fictè mineris accusare, & hic det aliquid eo fine, ut non accuses, datum retinere potes, quia metus est justus. *Nec obstat:* quod det ex errore, certò non datum,

rus,

tus, si scireti tibi non esse serium; nam error non est circa substantiam vel causam finalem, ideo enim dat, ut resignes juri ad accusandum, atque hoc verè facis, et si serio non intenderis accusare, ergo. *Sanch. Less. Dicast. n. 119.*

9. In dubio, an error fuerit substantialis, an **19.** causa, quæ nunc cessat, fuerit principaliter motiva, jura volunt, præsumi pro valore actus, & videtur pro eo esse possessio, quia scitur esse factus, & ignoratur ejus invaliditas. *Sanch. n. 13. 34. & 52.*

Idem à potiori est dicendum, si dubitetur, an intervenerit dolus, error vel metus, quia facta & delicta non præsumuntur; in dubio, an verè consenseris in obligationem, si tenebaris consentire, aut verba tua significarunt obligationem, præsumeris verè consensisse, quia nemo censetur consensum injustè subtrahere, aut loqui aliter, quam sentiat.

C A S U S . L.

De iis, qui contrahere possunt, item de materia contractuum & juremento contractibus apponi solito.

CAmillus in *infantia*. 2. 4. *Ante, & post pubertatem sine authoritate Tutoris, 5. Quem agnoscere non vult, 3. Varios celebrat contractus, exposit cum licentia Tutoris omnes, etiam rerum alienativos, ratificat. Ibid. Et cum ipso Tutore init. 6. Onerosos, et si juratos 13. Implere non vult petens restitutionem in integrum 8. Etre-
Mm 3 laxa-*